

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

15 218
590/19

Broj: 02/1- 112 /19
Dana: 14.11.2019. godine

MINISTARSTVO UNUTRAŠNJIH POSLOVA KANTONA SARAJEVO
- Sekretaru

PREDMET: Zastupnička inicijativa zastupnika Samira Suljevića,
odgovor, dostavlja se.-

VEZA: Vaš akt broj 01-02-2-6213/19 od 11.11.2019. godine

U vezi Vašeg akta, broj i datum veze, koji se odnosi na zastupničku inicijativu zastupnika Skupštine Kantona Sarajevo, gospodina Samira Suljevića, kojom imenovani pokreće inicijativu za izmjenu Zakona o nabavljanju, držanju i nošenju oružja i municije, pritom predlažući konkretne odredbe (u pogledu prilagođavanja odnosno izmjene termina "municija za vazdušno oružje" u termin "dijabole za vazdušno oružje", ukidanje dobne granice od 11 godine za nošenje i upotrebu oružja za djecu, članove streljačkih klubova, uvjeta koje mora ispunjavati trener streljačke organizacije, kao i oslobađanje određenih kategorija Uprava policije i Ministarstvo unutrašnjih poslova Kantona Sarajevo, nakon nedavno usvojenog Zakona o izmjenama i dopunama Zakona o nabavljanju, držanju i nošenju oružja i municije ("Službene novine Kantona Sarajevo", br. 1/18, 13/18 - ispravka i 30/19) u programskim dokumentima koji se odnose na normativnu oblast nisu planirali aktivnosti kada je u pitanju izmjena i dopuna ili eventualno donošenje novog Zakona o nabavljanju, držanju i nošenju oružja i municije.

Praksa je da se poslije određenog vremenskog perioda primjene novih zakonskih rješenja analiziraju efekti i kvalitet zakonskih rješenja, nakon čega se razmatra i potreba za njegovu izmjenu i dopunu.

Nadalje, prema našim raspoloživim saznanjima (putem učešća u seminarima, radnim grupama, pisane korespodencije i dr.), od strane predstanika Ministarstva sigurnosti BiH i Direkcije za evropske integracije BiH, za naredni vremenski period najavljena je potreba dodatnog usklađivanja zakonske regulative u oblasti nabavljanja, držanja i nošenja oružja i municije za zakonodavstvom, odnosno Direktivom Vijeća Evrope broj 91/477/EEZ, koja se odnosi na nadzor nabavke i posjedovanja oružja, a što predstavlja dio nadležnih aktivnosti kantonalnog nivoa u izvršenju obaveza iz Poglavlja 24. - Pravda, sloboda i sigurnost.

Ove aktivnosti najavljuju se u najskorijem vremenu, s planiranom dinamikom koja bi mogla dovesti do stupanja na pravnu snagu novog Zakona o nabavljanju, držanju i nošenju oružja i municije do 30.06.2021. godine.

S tim u vezi, Uprava policije Ministarstva unutrašnjih poslova Kantona Sarajevo će preduzeti mjere i radnje iz svoje nadležnosti, u okviru kojih će se razmatrati i pitanja sadržana u zastupničkoj inicijativi zastupnika, gospodina Samira Suljevića.

S poštovanjem,



POLICIJSKI KOMESAR
Generalni inspektor policije

